



**Quæstionum Canonicarum, In Quinque Libros
Decretalium, Tomus ...**

In Librum II. Decretalium, Per Triginta Titulos Distributum, In Quo Agitur
De Judiciis, Foro Competenti, Libelli Oblatione, Mutuis petitionibus, ...

Krimer, Ferdinand

Augustæ Vindelicorum, 1708

§. IV. De diversis alijs sententijs.

[urn:nbn:de:hbz:466:1-73001](#)

sive partus ancillæ, sive hæreditas, quam servus iussu emptoris adierit, evicta fu-
erit, agi ex empto potest: & sicut obli-
gatus est vendor, ut præstet, licere ho-
minem, quem vendidit; ita ea quoque,
qua per eum acquiri potuerunt, præstare
debet emptori, ut habeat. Deinde L.
20. C. eod. ibi: si in venditione dictum
non sit, quantum venditorem pro evicti-
one præstare oporteat, nihil vendor præ-
stabit præter simulum, evictionis nomine,
& ex natura ex empto actionis hoc, quod
interessit.

2578.

Ex his juribus colligitur, quod ejus-
modi contractui jure insit tacita conventio
contrahentium de solvendo communi in-
teresse, in casu evictionis; consequenter
id haberi naturaliter, etiam ante Judicis
sententiam, licet partes super hoc expresse
non conveherint. Hoc ipso enim, quod
ejusmodi contractum celebrare voluerint
juxta naturam, & leges consenserunt ta-
citè in id, quod jure inest tali contractui;
sed obligatio solvendi, quod emptoris in-
terest, ex facto Venditoris, tem alienam
venditam, & evictam esse, tali contractui
jure inest, ut constat ex L. 6o. ibi: *ex na-
tura ex empto actionis præstabit hoc, quod
interessit.*

2579.

Not. autem 1. æstimationem illius,
quod interest, faciendam à tempore novæ
in contractibus stricti juris, & obligatio-
nibus faciendi; in stipulationibus dandi,
à tempore litis contestatae, nisi statim in
principio certus terminus præfixus esset,
& fin. Instit. de V. O. & quoniam mora
inimica est bonæ fidei, etiam locum habet
in contractibus bonæ fidei.

2580.

Not. 2. id, quod attento jure scripto quis
licet consequi potest titulo sui interesse,
non debere excedere quantitatem dupli in
ijs contractibus, qui certam quantitatem ha-
bent; in aliis autem, æstimandum Judicis
arbitrio, sive agatur de damno, sive de
lucro; L. unicā C. de sententiis, quæ pro
eo, quod interest, proferuntur.

E. IV.

De diversis alijs sententijis.

2581.

Frequens quæstio esse solet, de senten-
tiis & decisionibus Rotæ Romanae,
num habeant vim sententia definitiva?

vel tantum *consultiva, informativa?* Cir-
ca quæstionem istam, testatur Fagnanus in
c. cum venissent, de judiciis, quatuor insi-
gnes Rota Auditores, (nempe Felinum,
Præpositum, Bellam: & Cassad) Rota Ro-
manæ decisiones, censuisse, esse probabiles
tantum, seu *Magistralis*; nec esse jura, &
ideo reprobari esse; id, quod etiam tradit
Geminian. in c. duobus, de Rescript. n. 9.
Francis ibid. n. 10. Fagnanus cit. n. 31.

Felintus in c. *Pastoralis*, de fide instrum.
(ubi dicitur, si Pontificis quædam extra-
vagans, seu in juris Canonici corpore non
posita constitutio, in judicio allegatur, de
qua *Judex merito dubitat, num authenticas
sunt?* tunc si juri communi consona sit, se-
cundum eam pronuntiet, quia non tam
ipsius, quam communis juris autoritate
nisi censemur: sin autem dissona sit, secun-
dum eam non pronuntiet, sed Superiorem
prius consulat) n. 10. subjungit: *idem est
de decisionibus Rotæ.* Præpositus in c. *Ne-
que, dist. 2. decisiones nostræ*, inquit,
non sunt jura (seu leges) & ideo reprobari
possunt; id, quod etiam tradit Bellam:
decision. 42. Cassad. decis. 17. n. 7. de pre-
bend. communiter tamen dicitur, *esse ma-
gna Authoritatis*, ut tradit Imola in c. 1.
de litis contestat: ac ut docet Franciscus
Pavinus (similiter Rotæ Auditot) in præ-
ludiis Extravag. Joann XXII. Col. 3. V. de-
cisiones Rotæ, facere jus in Curia ad instar
stylī, saltem, si secundum eas fuerit lepi-
us judicatum, quod intellige, facere jus
inter ipsos Curiales, quod juxta illud in ju-
dicando debent procedere: quamvis ex-
tra Curiam non aliter fidem faciant, quam
responsa prudentum; sic Pavinus cit. apud
Fagnanum n. 33. at responxe prudentum,
ex se non habent vim *definitivam*, sed
tantum *consultivam*, seu *informativam*;
ergo etiam decisiones Rotæ Romanæ.
Dixi, ex se; nam aliud est, si Princeps
illis in suo foro suam Authoritatem imper-
titiat.

Præter dicta not. sententiam latam, 2581
lite non contestat, esse ipso jure nullam; c.
unic. de litis contest. nec esse exequendam,
licet fatalia sint elapsa; sic Fagnanus ibid.
n. 12. cum Baldo consl. 223. &, si senten-
tia nulla sit, agendum esse viæ ordinari-
tati nullitatis; non autem, per *remedium
restitutionis in integrum c. Requisitum de
in integr. restit.*

Not.

§ 83. Not. 2. sententiam , triplici modo injuriam esse posse ; primò , si error , sive injustitia expressa fuit in sententia , tunc ipso jure irrita est , & retractanda , tametsi non appelletur L. i. quæ sententiæ sive appellationes rescinduntur. Secundò , si error , & injustitia in sententia expressa non est , sed nihilominus lata est contra jus partis , videlicet non secundum allegata , & probata ; vel , non secundum iuria , & receptas consuetudines ; tunc vallet plerumque ipso jure , sed contra eam appellari potest. Tertiò , si sententia tantum materialiter injusta sit , quia Iudex judicavit secundum allegata ; & probata , sed postea detegitur error v. g. propter instrumenta nova reperta.

§ 84. Quæstio jam est , an talis injustitia denuntiari possit , si sententia quidem jure valida , sed injustè lata sit , quando de ejus injustitia notoriè constat , vel ipsam pars adversa confitetur. Resp. quod sic ; quia , cùm Victor , seu is , pro quo sententia injustè lata est , rem sibi adjudicatam absquè peccato accipere , aut retinere nequeat (ubi Innocentius docet in C. quia plerique n. 3. de Immunitate Ecclesiæ) sequitur ob hoc peccatum avertendum , si aliter tolli non possit , Ecclesiæ illum denuntiandum esse ; si autem contingat , quod injustitia sententiæ notoria non sit , nequè eam confiteatur is , qui in judicio obtinuit , si tamen vietus , vel aliis quispiam offerat se ad clarè probandum , quod sententia injustè lata sit cum formalis injustitiæ , & quod id sicut Victor , adeoque , in conscientia peccati versetur , admittenda erit denuntatio , ut hic docet Joann. Andr. n. 32. felin. n. 6. contra Baldum in Auth. Clericus , n. 4. Nam quotiescumque frater , seu Christianus , à peccato mortali , in quo versatur , desistere non vult , Ecclesiæ denuntiari potest ; sed Victor in hoc casu , si sciat sententiam *injustè* pro se latam esse , non potest rem sibi adjudicatam retinere sine peccato ; ergo , si ita detineat , Ecclesiæ denuntiari potest.

2585. Nec obstat , quod sententia lata , post decendium , etiam in jure canonico transfeatin rem judicatam , ex quo aliqui volunt , eam retractari non posse. Nam Resp. hoc intelligendum est , quando de formalis injustitia non constat ; ubi enim constat de contrario (ut si notorium sit ,

sententiam esse formaliter injustam , vel id ipsum pars adversa confiteatur) etiam præsumptio juris de jure cedit veritati , ut tradit Abb. in C. Novit. 13. de judic. n. 20. Deinde quando dicitur , sententiam , quæ transiit in rem judicatam , non debere retractari , debet intelligi per viam actionis , quam vietus directè contra illam intentet , non autem per viam denuntiationis , & impugnationem solùm indirectam , quæ fit per denuntiationem , ne Victor maneat in peccato , seu reteratione rei alienæ , ipsi per sententiam , formaliter injustam , adjudicatæ .

Not. 3. per sententiam Judicis , realiter , seu in re injustam (formaliter autem justam) subditos obligari solùm in foro externo , ut scandalum caveatur. Hinc , quando quis proprio chirographo convincitur , accepisse mutuum , reverè non accepit , sed neglexit exceptionem non numeratae pecuniae ; si condemnatur ad solvendum mutuum , quod scit , se non contraxisse , potest deinde uti occultâ compensatione servatis tamen ejus conditionibus justis , ut constat ex alibi disputatis ; excepte tamen casum , nisi Princeps ex dominio alto , rei tuæ dominium transferat in alterum .

2586. Not. 4. eum , qui per allegata , & probata absolvitur ab aliquo debito , cùm tamen sciat , se debitorem esse , teneri nihilominus in conscientia satisfacere debito , nisi ex alio capite excusatetur . v. g. quia solvendo incurreret infamiam . Ratio est , quia licet talis non condemnetur à judice ad solvendum , non est tamen in potestate Judicis , tollere illam obligationem , quam habet antecedenter ad omnem actionem , & sententiam . Hinc , qui à certis oneribus liberatus est , quia per allegata , & probata prontintiatus habere qualitatem eximentem perlonam illa affectam , in conscientia tenet ad eorum solutionem , si sciat se non habere dictam qualitatem .

2587. Not. 5. per sententiam , quæ nulla est defectu jurisdictionis , vel ordinis judicarij , non servati , nullam induci obligationem ; illud tamen commodi exinde obtineri , quod , si quis tem suam , quam certò scit , suam esse , per talen sententiam obtinet , eam licet retineret , non securus , ac alias Authoritate privata eam recuperasset .

2589.

Not. 6. non esse eosdem effectus sententiae definitivæ, ac interlocutorie. Nam interlocutoria non reddit infamem; secus definitiva in certis causis, præsertim criminalibus. 2. à definitiva potest appellari, non ab interlocutoria, nisi in certis casibus de quibus infra tit. seq. 3. definitivam Judex non potest revocare, nisi forte implorato nobili Judicis officio, secus interlocutoria ex n. 2855. & 2870. 4. definitiva potest in causa appellationis justificari, non solum ex actis primæ instantiæ, sed etiam ex novis actis: interlocutoria vero solum ex revisione primorum actorum. 5. definitiva non potest ferri, nisi parte citatâ, nam alias non valet; interlocutoria in causa levis momenti potest ferri absque prævia partium citatione: 6. sententia definitiva ferenda est in scripto; interlocutoria voce, dummodo postea in scriptis, & actis referatur: 7. à definitiva potest appellari, & vivâ voce, quando est lata; ab interlocutoria, quando appellatur, est appellandum in scriptis, & expressis causarum gravaminibus: 8. Condemnatio pœnalis facta per definitivam, durat perpetuò; facta per interlocutoriam solum, dum durat Officium interloquentis; 9. definitiva semel lata, non potest emendari; bene tamen interlocutoria, addendo, vel minuendo, de quibus V. Maranta apud Haunoldum tom. 5. tr. 5. n. 20.

2590.

Not. 7. pronunciationem, ut sententia executioni detur, non esse definitivam; quia sententiæ jam latæ accedit; secus est de pronunciatione quod instrumentum sit executioni mandandum; quia negotium principale definit, licet in hoc juris ordo non servetur. Et quoniam quandoquæ pronuntiantur super diversis rebus, v. g. fatalia esse elapsa, & appellationem desertam; non licere ulterius provocare; debitum, quod Reus confessus est, solendum esse; vel cum Reus absolvitur ab observatione judicij; cum pronuntiantur, ex L. diffamari, vel super possessorio interesse, expensis, &c. dubitari potest, an ejusmodi sententiæ definitivæ sint an non? cum ex hoc pendeant plures juris effectus; pro his:

2591.

Not. 8. sententiam, quæ sperat aliam sententiam post se, esse interlocutoriam, quæ autem finem imponit causæ principali, nec habet aliam sententiam post se,

dici definitivam; quo posito sequitur sententia latam super exceptione peremptoria, quo scilicet excluditur actio, & Actori silentium imponitur, aut Reus absolvitur, esse definitivam, quia sic non sperat aliam sententiam post se; aliud est, si Judex solum pronuntiare, exceptionem esse audiendam, vel super ea consultandum; tum enim ex ratione in oppositum, foret solum interlocutoria.

Sequitur 2. sententiam latam super possessorio, quando principaliter de isto agitur, esse definitivam; sic enim post se non sperat aliam in eodem judicio; quod enim sperat in alio judicio sententiam definitivam, definitivæ non obstat; alias; enim, à definitiva non posset appellari, cum in judicio appellationis sèpè detur sententia post definitivam, à qua appellatum est.

Sequitur 3. sententiam, super expensis latam, simul cum definitiva causæ principialis, esse definitivam; antè, interlocutoriam: post definitivam autem, non nisi eodem die posse superaddi, ex L. 42. ff. de re judicata, ibi: Paulus respondit, rescindere quidem sententiam suam præcedentem Prætorem non posse, reliqua autem, quæ ad consequentiam quidem jam statutorum pertinent, priori tamen sententiæ desunt, circa condemnandum Reum, vel absolvendum, debere suppleri, scilicet eodem die.

Sequitur 4. sententiam latam super fatalibus jam elapsis, vel appellatione deserta, non esse formaliter definitivam; cum non pronuntiet super causa principali: esse tamen virtualiter, seu habere vim definitivæ, cum non speret aliam sententiam post se; ex quo fit, esse formaliter interlocutoriam, à qua tamen appellari possit, ut dicimus à titulo sequenti.

Sequitur 5. sententiam, qua quis præcisè absolvitur ab observatione judicij, quia Actor in termino non comparuit, esse interlocutoriam, quia non pronuntiat super principali; unde novo judicio conveneri rursus poterit, taliter absolutus. Nam, et si sit Absolutoria à judicio; non est tamen absolutoria à negotio principali, propter quod in judicium vocatus est ab Actori; ad definitivam autem, hoc postremum requiritur; & prius illud non sufficit.

Se-

2596. Sequitur 6. quando quis processu ordinario conventus de solvendo certo debito ; illud confiteretur , non opposita ullā exceptione , sententiam ex ejusmodi confessione latam , & ad solutionem condemnatoriam , esse definitivam ; quia sic principali negotio , causā cognitā , imponit finem ; id , quod etiam dicendum , si Reus statim in prima responsoione , etiam oretenus , fatetur debitum , & Judex , causā cognitā pronuntiet , præstandam esse solutionem ; sic pariter imponit finem liti pronunciatione super principali : interlocutoriam tamen , si feratur ex abrupto , causā non cognitā , appositiā tamen Clausulā : *sē gravatum putet , compareat* ; quia sic non finit negotium principale .

2597. Sequitur 7. sententiam , qua quis , in judicium vocatus , juxta L. diffamari ; absolvitur à judicio (quia Actor constitutō terminō non comparat , nec litem contestatur) esse interlocutoriam ; si litem contestata , & diffamatione rite probata , sequatur , esse definitivam ; sic enim in isto , non autem in illo , principali negotio finem imponit .

Sequitur 8. neminem in conscientia teneri sententiā Judicis , quam scit falsis probationibus obtentam ; aut latam à Judge non sita , vel in materia non subiecta , vel lata in personā exemptam ab ejus foro , & jurisdictione . Nam in tali casu habet se Judge in re , tanquam persona privata ; in foro tamen externo abstinentum ab his , quae per sententiam interdicta sunt , ut caveatur scandalum ; ac , ne Judge contemni videatur , donec de iniquitate sententiæ constet ; quod accipe , nisi quis per tales sententiā cogatur ad actum non exercerendum sine peccato ; qualiter contingere , si mulier condannata ad cohabitandum Vir , propter allegata , & probata , tanquam Marito , certò sciret , se nunquam in eum consensisse . Tali enim casu , et si etiam per censuras ad illi *conjugaliter convivendum* cogeretur , deberet potius Censuras tolle rare , quam carnaliter copulari .

Viro , non suo , ut alibi
diximus .



ARTICULUS III.

De re judicata.

2598. **M**ulti variis movent quæstionēs , in quo hæc tria cohistant , & differant , nempe *Sententia , res judicata & sententiam transvisse in rem judicatam* .

P. Benedictus Pereyra in Elucidatio lib. 2. elucit. 17. sect. 14. n. 1261. ait : hunc modum loquendi , *Sententia transit in rem judicatam* , prout habetur , L. eleganter . Q. si quis post . ff. de condit. indebit . & affertur à Sanchez lib. 7. Matr. D. 100. n. 1. & l. 2. decal. cap. 21. n. 36. tunc verificari , quando appellari non potest , scilicet post decem dies elapsos à tempore pronunciationis , ut docet Sylvester V. *Sententia n. 10. ex L. res judicata. ff. de re jud.* Quamvis enim diversum quid sit *res judicata & sententia* (nam rēs judicata finem accipit ; sententia , finem imponit . Unde hæc , habet se per modum agentis ; illa , patientis : quia imponere finem est quid activum , accipere finem ad passiva respicit) & Bartolus dicat ; *sententiam , esse actum , seu formulam judicandi : rem vero judicatam , esse eam , in quam tale judicium exercetur : consequenter duo sint tertiī distincti , alter de sent. & interloc. omnium : alter , de re judicata : Sæpe tamen promiscuè alterum pro altero usurpari solet , nempe sententiam , & rem judicatam .*

Cæterū not. quod sententia lata habeat effectus , unum formalem , à quo , tanquam à forma adæquata id , de quo in judicio actum est , dicitur formaliter *judicatum* ; alterum , à quo tanquam à forma , solum inadæquata , habet , quod transi- verit in rem judicatam , hoc est , viatori authoritatē tribuat , vi cuius contra illum agenti opponere possit *exceptionem rei judicatae* , de quo in seqq. hunc portò formalem effectum non præstat sola sententia , sed simul cum carentia appellationis interpolitæ , vel profectitæ . Quaræ sententia dicitur transvisse in rem judicatam , quando post illam nec appellatum est tempore debito , vel , si appellatum , appellatio deserta est . Et ideo sententia , quamdiu appellari potest , vel si appellatum est , appellationis judicium pendet , dicitur 2599.

sen-